

საქართველოს მთავრობის

განკარგულება №1783

2017 წლის 25 აგვისტო

ქ. თბილისი

სს „საქართველოს სახელმწიფო ელექტროსისტემისთვის“ საქართველოს „წითელი ნუსხით“ დაცული მცენარეთა სახეობების ბუნებრივი გარემოდან ამოღებაზე თანხმობის მიცემის შესახებ

„საქართველოს „წითელი ნუსხისა“ და „წითელი წიგნის“ შესახებ“ საქართველოს კანონის 24-ე მუხლის პირველი პუნქტის „ვ“ ქვეპუნქტისა და ამავე მუხლის 2³ პუნქტის შესაბამისად:

1. აჭარის ავტონომიური რესპუბლიკის ტერიტორიაზე 220კვ-იანი საჰაერო ელექტროგადამცემი ხაზის – „ახალციხე-ბათუმის“ მშენებლობის მიზნით, სს „საქართველოს სახელმწიფო ელექტროსისტემას“ (ს/კ: 204995176) მიეცეს უფლება, ბუნებრივი გარემოდან ამოიღოს ქედის მუნიციპალიტეტის ტერიტორიაზე მდებარე მიწის ნაკვეთებზე (ს/კ: 21.02.32.142; 21.02.31.079; 21.02.32.143; 21.08.36.340; 21.03.32.119; 21.01.37.451; 21.01.37.449; 21.02.32.147; 21.06.34.448; 21.02.32.145; 21.02.32.148; 21.02.32.144; 21.02.32.146; 21.02.32.149; 21.08.31.226; 21.08.31.227; 21.08.31.225; 21.06.31.154; 21.07.32.281) არსებული, საქართველოს „წითელ ნუსხაში“ შეტანილი მცენარეების შემდეგი სახეობები:

ა) კაკლის ხე (*Juglans regia* L.) – 10(ათი) ინდივიდი;

ბ) ჩვეულებრივი წაბლი (*Castanea sativa* Mill.) – 299 (ორას ოთხმოცდაცხრამეტი) ინდივიდი;

გ) კოლხური მუხა (*Quercus hartwissiana* Stev.) – 420 (ოთხას ოცი) ინდივიდი;

დ) უთხოვარი (*Taxus baccata* L.) – 3 (სამი) ინდივიდი;

ე) კეთილშობილი დაფნა (*Laurus nobilis* L.) – 5 (ხუთი) ინდივიდი;

ვ) მცირენაყოფიანი ბალამწარა (*Cerasus microcarpa* C. A. Meyer) – 4 (ოთხი) ინდივიდი.

2. სს „საქართველოს სახელმწიფო ელექტროსისტემა“ ვალდებულია:

ა) საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულებას – გარემოსდაცვითი ზედამხედველობის დეპარტამენტს წინასწარ აცნობოს საქართველოს „წითელ ნუსხაში“ შეტანილი მცენარეთა სახეობების ბუნებრივი გარემოდან ამოღების დაგეგმილი ვადების შესახებ;

ბ) მოჭრილი მერქნული რესურსი დაუკოტრავი სახით, სახეობების მიხედვით, დაასაწყობოს სსიპ – აჭარის სატყეო სააგენტოს მიერ მითითებულ ტერიტორიაზე და გადასცეს მას მიღება-ჩაბარების აქტით.

3. ამ განკარგულების პირველი პუნქტით გათვალისწინებული, საქართველოს „წითელ ნუსხაში“ შეტანილი მცენარეების ბუნებრივი გარემოდან ამოღებაზე კონტროლი განახორციელოს საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულებამ – გარემოსდაცვითი ზედამხედველობის დეპარტამენტმა.

პრემიერ-მინისტრი

გიორგი კვირიკაშვილი

